

欽  
定  
全  
唐  
文

欽定全唐文卷五百四十二目錄

令狐楚

四

爲鄭尚書賀冊皇太子狀

賀韓僕射充招討使狀

賀破賊兼優卹將士狀

賀行營破賊狀

賀行營破賊狀

爲人作薦昭州刺史張繇狀

爲人作薦劉孟修狀

爲人作奏薛芳充支使狀

元日進馬并鞍轡狀

第二狀

端午進鞍馬等狀

第二狀

第三狀

又進銀器物并行鞋等狀

賀冬至進鞍馬弓劒香囊等狀

第二狀

又進鞍馬器械等狀

又進銀器唾盂等狀

降誕日進銀器物及零陵香等狀

降誕日進鞍馬等狀

第二狀

第三狀

第四狀

降誕日爲楊大夫奏修功德并進馬狀

進憲宗哀冊文狀

進金花銀櫻桃籠等狀

進白蕉狀

進異馬駒狀

爲太原李說尚書進白兔狀

第二狀

進異鷹狀

奏太原府資望及官吏選數狀

奏教習長鎗及弓弩狀

奏排比第二般差撥兵馬狀

奏教當道兵馬狀

奏差兵馬赴許州救援并謝宣慰狀

奏百姓王士昊割股狀

奏榆次縣馮秀誠割股奉母狀

爲人作奏貶晉陽縣主簿姜鉢狀

爲人作請行軍司馬及少尹狀

奏節度使等帶器仗就尚書省參辭狀



欽定全唐文卷五百四十二

令狐楚

四

爲鄭尚書賀冊皇太子狀

臣聞於宣政殿冊皇太子訖伏以建崇儲位光啟壽闡萬  
方以貞九服同慶伏惟皇帝陛下誕敷聖訓光啟天慈咸  
元貞於國經鍾福慶於邦本皇太子溫恭表德仁孝因心  
方毓質於龍樓肇增輝於望苑臣戎守有限不及蹈舞稱  
賀

賀韓僕射充招討使狀



右中使臣希倩至伏奉詔書吳少誠比令招討都不悛心  
今以韓全義充蔡州行營招討處置等使臣當軍兵馬令  
取全義指揮上官說充招討副使令臣使人詣行營所撫  
慰將士仍令激勵臣伏見逆賊吳少誠殘喘微生驟飛賤  
品敢違帝命來卽靈誅陛下天覆爲心雲行其德念日月  
所照九州攸同哀陷穽之中一夫不獲懸申詔旨開賜生  
全而長惡未悛執迷不復凶逾殛殛聲極吠堯今旣慎選  
武臣盡驅猛士威聲先路實勵於震霆翦滅剋期必同於  
沃雪欣歡奮激倍百恒情當道應行營將士等悉懷感怒

畜力候奮指蹤示處旣以得人致命捐軀必應無敵臣卽  
準詔差人專往慰諭仍切加激勵冀申微効用答深恩不  
任惓款之至

賀破賊兼優卹將士狀

右中使臣希倩至伏奉詔書得全義總率諸軍已入賊界  
四月二十七日大破賊徒并擒斬生級如有身死王事者  
已委全義並給棺櫬送歸本道令臣五年莫停衣糧者吳  
少誠畎澮下流不朝於海根菱弱質自絕於天狴牢之中  
鳴吠未已今霜鋒雲集月羽風馳旣壓賊軍纔聞僦鼓將

摩寇壘已見靡旗實廟堂知先勝之形校隊陳爭登之力  
誅鋤有次獲殺無難凡在方隅不勝欣抃臣伏以雖忠不  
烈戰士所羞視死如歸武夫之志伏惟陛下宏天覆幬爲  
日照臨載激怒肝爰收膚骨漢世徒頒其櫓櫓義闕送終  
周詩縱裏其餼糧賞延非嗣以今觀古奮一當千臣獲守  
邊陲叨居將帥無任感激之至

賀行營破賊狀

右臣得當道行營兵馬使李黯狀報諸軍兵馬四月十七  
日從臨潁縣三道齊進二十七日過潑水縣張村下營問

探知桑林中有賊遂與接戰大破賊軍擒生斬級不知其數者臣伏以天道無親助其効順人生有欲患在不安今逆賊吳少誠深入禍門自沈置罟執迷不復謂暴無傷去至安而卽甚危棄大順而爲巨逆避日月之照干雷霆之誅尚假息於寸陰敢偷生於數刻今者將從天落兵若山行濟激水而不濡隔偃城而欲斷長蛇之首尾如截應接自難狡兔之窟穴已焚死亡無所方當破竹猶繫苞桑剩銳氣以長驅抗威稜而直指困雖猶鬪亂不能軍旣摧眾惡之鋒必喪元兇之膽以愚籌度不日埽清臣忝守戎旗

無任抃躍憤激之至

賀行營破賊狀

右臣得當道行營兵馬使李黯狀報今月十三日於故信州城下破賊三千人斬首七百餘級者臣伏以舉趾或高則無所措退藏多密罔或不亡逆賊吳少誠用已之愚劫人爲惡唯日不足謂天可逃自韓全義稟受廟謀總齊力士橫行於境深入其郛兵才交鋒寇已亂轍以羸師之骸望冒穢草而腥林疲馬之命委離裝壕而咽塹實由奪其信幟拔彼懸門遂使戰野者不知所歸守陴者無從而出

凶徒風散叛卒星分亦足以快帝怒於高天宣皇威於下  
土况臣任當旄鉞誓埽氛祲慶抃之情實萬恒品所守有  
限不獲稱賀闕庭無任屏營之至

爲人作薦昭州刺史張愁狀

右臣伏準貞元六年十一月八日勅旨自今以後諸州刺  
史縣令以肆考如理術尤異實效可稱考滿日委觀察使  
錄事跡以聞特加獎擢者前件官守文惟謹持法甚精清  
廉有餘貞固無比臣伏見嶺南風俗惰懶苟避征徭易成  
逋竄張愁憂人若已理郡如家勸課農桑置立保社移風

爲敦厚之境徵賦無慘急之名周旋六年其道一致臣猥  
司廉察忝守方隅以所見聞懇須甄錄

爲人作薦劉孟修狀

右前件業傳忠厚雅尚文儒貞白居心公勤守職累曾試  
用皆著清廉頃崔漢衡在晉州日奏授殿中侍御史充都  
防禦判官直道不回正詞無隱實僚之內裨益甚多知是  
公才豈爲參佐屢詳疑獄心盡哀矜嘗判劇曹事無留滯  
臣是以錄其勞效奏請改官伏蒙聖恩特授前件官今赴  
闕下奉詔旨不敢乞留臣伏以孟修自有幹能誠堪任使

所知微分輒敢薦聞干冒宸嚴伏增戰越

爲人作奏薛芳充支使狀

右件官蘊蓄公才精勤吏道文章史傳無不該通大厯末則與臣及徐泗節度使張建封同事故馬燧作判官建中三年曾以公事直言不合其意遂被奏授交城縣令及有政績褒然疲羸悉安征賦皆辦臣以其四居畿令兩任法官有學有才堪爲賓佐委令推斷無不詳平與之籌畫多所裨益相諳相識二十餘年滯屈最深實希榮獎伏望天恩特賜改官充臣觀察支使



元日進馬并鞍轡狀

右臣伏以元日開歲東風發春人神大和天地交泰伏惟  
皇帝陛下鴻猷更始寶祚惟新協三朝之會同受萬國之  
歸慶臣某職當分閫屬忝維城未聳翼於丹霄空馳心於  
皇極前件馬并鞍轡等馳驅有度雕鏤初成願將行地之  
功以奉如山之壽千煩宸嚴伏增戰汗

第二狀

右臣伏以五始混成歲爲元吉四時分理春實發生伏以  
陛下嗣帝鴻名受天成命百神降福願等於山河萬國歸

仁思陳其玉帛臣限從戎役關奉朝行又及新年皆承覆  
露每瞻初日如奉聖明前件鞍馬等稍似馴良並非淫巧  
冀充庭實用達邊情干冒陳獻伏增戰越

端午進鞍馬等狀

右臣伏以五者天之成數夏者天之仁時伏以陛下用仁  
時而長養羣生舉成數而陶甄品物是以百蠻委瑞萬國  
歸誠同瞻日月之光共奉乾坤之壽臣方從邊役未在周  
行謬宣力於清朝竊馳心於令節前件馬等柔馴既久雕  
飾初成敢因五日之良以續千年之慶干冒陳獻伏用兢

金匱要略卷之二十一  
第三十四回  
三  
惶

## 第二狀

右伏以月旅蕤賓節惟端午天人効祉朝野交歡伏惟陛下宸極尊嚴大明光耀擁純陽之元吉保眉壽之康寧風俗既和人倫以厚前件鞍馬器物等雕鐫始就服習初成輒因五日之良以續千秋之慶干冒宸衷伏增戰越

## 第三狀

右伏以月維仲夏時屬純陽當五日之良辰慶千年之聖壽華夷修貢走玉帛於寰中朝野飛歡均金石於天上臣

方從戎役夙奉皇慈願竭微誠慙無遠物前件鞍馬等久  
令馴致稱以柔良干冒宸嚴伏增戰越

又進銀器物并行鞋等狀

右伏以月維正陽日次南午千官拜稱觴之慶萬國陳執  
珪之禮將以嗣續聖壽延洪昌期蓋朝廷之舊儀乃臣子  
之常事前件銀器等或便於用正當其時慙經萬里之遙  
願獻九天之上塵黷宸鑒無任戰懼

賀冬至進鞍馬弓劔香囊等狀

右臣伏以建子實三微之宗黃鐘爲六律之本冬氣方至

壁星正中伏惟皇帝陛下統馭天正發生陽數壽等南山

之固萬姓具瞻恩均東海之波百川皆赴臣某限一作從

外役叨奉殊私秉戎律以輸誠望宸居而積戀前件鞍馬

等非追風照地之駿麗無切玉穿札之堅強用愧含香名

慙承露輒備祝堯之禮願申朝禹之心干冒宸嚴無任戰

越

## 第二狀

右伏以四海無外三冬正中伏以陛下大明燭幽鴻化御  
極居元堂而布政登觀臺以視朔受萬國之慶擁百神之

休臣守在邊陲職司戎旅朝天之路由限於山川向日之心增勤於草木前件物等皆生其地並考於工願奉如山之壽敢修任土之貢干冒陳獻伏增戰越

又進鞍馬器械等狀

右伏以迎日良辰書雲令節始生一陽之數首出三統之正華裔交歡天人同慶臣某班將帥守在封疆阻羅拜於彤墀空注誠於紫闕前件鞍馬器械等雖無犀利稍似馴良恭陳遠路之心願備廣庭之實干冒宸扆伏增戰越謹遣某官隨狀奉進

又進銀器唾盂等狀

右件銀物等非有可觀甚無所直以其方圓不礙斟挹酒漿潔白自持宜承咳唾敢因長日願獻上天干冒宸嚴無任戰越

降誕日進銀器物及零陵香等狀

右伏以千年元命之符四月正陽之氣出震吉日繼乾良辰黃河再清冠中古之表德恒星不見掩西方之誕聖前件器物或堅白無玷或馨香有聞敢同率土之心以續如天之壽干冒宸宸伏增戰越

降誕日進鞍馬等狀

右臣伏以繞樞之電曾委瑞於軒皇照室之光昔呈祥於漢后伏惟皇帝陛下貴從天下明在日中當四月之正陽值千秋之聖運人神叶慶朝野同歡臣任重戎旃路遙北闕歡呼萬歲如聞山嶽之聲傾竭一心庶均葵藿之志前件馬等誠非珍異頗似柔馴干冒宸嚴伏增戰越

第二狀

右伏以月維首夏氣叶正陽一人慶誕之辰萬國樂康之日臣某屬連枝葉守在邊陲覩河水之旣清知冬松之益



金史卷之四十二  
第三十二  
茂前件馬并鞍轡等安其馴教考以精誠敢緣九族之恩  
願續萬年之壽干冒宸扆無任戰越

### 第三狀

右臣伏以大電繞樞之辰普天咸慶神光照室之夜匝地  
同歡臣限守邊陲未朝雲闕尚想河清之色如聞里社之  
聲前件馬鞍等久似柔馴皆經考教任土作貢慙述職於  
微臣如日之昇願并明於聖主干冒陳獻伏增戰越

### 第四狀

右臣伏以里社旣鳴斗樞爰電誕生元聖允叶純陽實萬

國同歡之時而千齡兆慶之日臣某限從邊役違奉天慈  
飲河每挹於清瀾向闕遙瞻於紫氣前件鞍馬等駿非金  
骨麗乏錦韉慙無照地之光願獻呼嵩之壽干冒陳獻伏  
增戰越

降誕日爲楊大夫奏修功德并進馬狀

右臣伏以居至道之尊其唯元命助無疆之祚亦在勝因  
是以千年爲慶誕之期百福有莊嚴之義伏惟皇帝陛下  
以文武道爲天人師降生於純陽之月續承於大寶之位  
効祉而四夷奔走流歡而萬國謳歌臣某職在監司土無

珍異恨無以拜上元之慶酬厚載之仁敢伏普通轉修經  
戒仰申誠懇以就有爲之功上爲聖神庶資無量之壽其  
馬久令教習頗似柔馴願承內廐之恩以備屬車之駕干  
冒塵瀆不任戰汗之至

進憲宗哀冊文狀

右奉勅令臣撰者臣今撰了謹連如後竊以揚先帝無疆  
之德薦陛下罔極之恩宜擇能者永垂不朽聖意以臣備  
位相府策名文場忘其庸虛賜以撰述頃自哀迷重疊心  
緒摧落雖磨鉛雕朽已竭其精誠捧日窺天難窮其高遠

干冒封進無任悲躍屏營之至

進金花銀櫻桃籠等狀

右伏以首夏清和含桃香熟每聞採擷須有提攜以其鮮紅宜此潔白前件銀籠並煎茶具慶等羨餘舊物銷鍊新成願承薦寢之羞敢效梯山之獻其通犀瑇瑁上藥等買並依價採皆及時誠非珍奇恐要聚蓄勤奉丹款不敢不進

進白蕉狀

右伏以半夏欲生正陽初王將勝時熱在新其衣前件白

金史卷八十二 三  
蕉先時織成依價市得光雖讓雪疎不礙風願充當暑之  
服爰申任土之貢干冒宸聰無任戰汗

### 進異馬駒狀

右臣得征馬使穆材狀謹具毛色如前者臣伏以行地之  
用莫神於馬擅華名者則眾効奇質者甚稀伏惟陛下廣  
大際天高明配日殊祥競發休祉荐臻前件馬稟天駟之  
精體坤元之德毛拳惟細鬣赤而高尾掉肉而蜿蜒額帶  
星而倜儻臣謹差虞候辛峻專往覆視俱如前列峻云雙  
瞳有耀四蹄如削宛然天產定是龍媒允協建午之辰光

昭太乙之貺臣見今就太原府養調旬月稍任行步卽專  
陳獻謹差某官聞奏

爲太原李說尚書進白兔狀

右臣得嵐州刺史趙挺六月二十九日狀稱嵐州合河縣  
太平鄉大慶村收獲前件白兔差行官李希林送到者臣  
謹按瑞應圖曰白兔壽千年滿五百則色白又曰王者恩  
加耆老則白兔見臣伏以白惟正色兔實仁獸來皆有爲  
出必以時伏惟陛下聖壽無疆神功不宰是故太陰精魄  
降以爲瑞皓質玉立素毛霜垂清明不讓於殷狼皎潔可

齊於周鹿况村爲大慶鄉號太平無爲而成不索而獲協  
元符之一氣彰皇德於千齡雖標中瑞之科實應太廟之  
曲一作典臣忝守藩一作方鎮覩茲休祥無任抃躍歡慶之至

## 第二狀

右貞元十二年六月嵐州刺史於州界太平鄉獲白兔一  
隻臣已并圖進獻斃於中路惜其誕生靈質不達明庭誠  
意所求禎祥荐至今又得狀宜芳縣孝義鄉百姓王貞收  
得前件白兔送到者臣謹按瑞應圖云王者仁及鳥獸則  
白兔見臣伏以免之爲獸麋狡者多獸之有毛龐雜者眾

臣觀前件兔皓然養素恬爾守柔處羣萃以自殊抱貞明而不污皎如疊雪燦若凝霜克生孝義之鄉實表中和之化伏惟皇帝陛下恩覃動物澤及毛羣方宏三面之仁果應千齡之瑞若非上天慈惠下土清平則安得四年之中再見其地信可以搞皇上之懿德薦臣子之明誠昭彰可徵盼蠻如答臣覩茲潔朗宛在封疆踴躍欣歡實倍恒品謹遣某官某并圖隨狀奉進

進異鷹狀

右臣所管採捕得前件鷹兩翅齊肩雙翎對懣雖非神俊



稍似瑰奇以臣微誠輒敢陳獻風霜之後儻或得用於三  
驅鳥雀之中曾冀成名於一擲干冒宸扆無任戰越

奏太原府資望及官吏選數狀

右臣得司錄參軍李旦等狀稱前件府名三都望同兩府  
吏曹近日稍易舊規格限之中增加選數特乞奏聞者謹  
檢開元十一年正月二十八日勅置北都府縣資望並準  
京兆府河南府中閒吏曹暫有降下前使王縉薛兼訓馬  
燧李說并有舉奏尋蒙復舊今準三月十五日勅停減諸  
州府雙曹司錄判司及甲曹參軍特蒙勅旨京兆河南太

原三府不在減限伏以太原府龍興盛業天啟雄藩有義  
旗起建之堂爲仙駕留遊之地官標留守驛署都亭典章  
甚明制度咸在數年來吏部選格不同京兆河南兩府官  
資稍下選數則深掾吏諸臣懇有披訴儻徇從權之義恐  
乖仍舊之規伏乞聖慈特勅吏部準元勅與京兆河南一  
例處分

奏教習長鎗及弓弩狀

右淮泗寇猶或未除天下人臣皆思奮擊臣伏以射渠魁  
之目勁弩爲先春大憝之心長鎗是切比雖兼習多不專

精臣今選定前件官健取八月四日於城東起教不敢不奏

奏排比第二般差撥兵馬狀

右臣伏以逆賊吳少誠孤負聖明作爲奸亂尚延晷刻之命未卽雷霆之誅天下人臣皆同憤激况臣任當鉞誓埽煙塵割肌肉以資軍亦無所苦執干戈而衛國惟恐不堪况將士等忠義居心堅剛挺質勇於戰陣樂此征行臣謹差前件兵馬如前其資裝器械一事已上並無所闕續具發日聞奏仗其忠順兵氣自雄諭以功名衆心皆勵矧

茲窮寇非足勞師伏望天恩不至憂軫

奏教當道兵馬狀

右臣伏以不教視成爲國之蠹政有備無患前王之格言  
今吳少誠叛渙汝南憑陵淮右雖烏鳶嘯聚見彈已驚而  
枳棘萌生須鋤其本昨臣所陳章奏願往討平及奉詔書  
但令排比在軍中之百事誠有舊規以麾下之萬人要知  
新令謹取今月二十五日於東城準勅教習至二十九日  
大設後各勒歸本鎮不敢不奏

奏差兵馬赴許州救援并謝宣慰狀

右中使臣希備至伏奉詔書兼宣恩旨慰問臣今差前件兵馬者臣伏以吳少誠內懷奸詐上負聖明因幸鄰喪遂虧臣節提攜逆黨逼迫孤城凡在忠良不勝憤切况臣謬居方鎮便合討平伏蒙陛下委曲照臨丁寧誨諭感槩而毛髮盡勁憤敬而肺腸皆激諸軍會合計日翦除當道兵馬差定訖已具列狀奏聞

奏百姓王士昊割股狀

右臣得太原府牒前件人爲母阿張患病割股奉母其母所得疾漸損者臣伏以登於大孝在禮爲難忍其甚痛於

人不易王士昊長於市井利在錐刀誓以誠明之心療其羸老之疾割肉於股饋羹於堂信可以感通神明風變人俗某猥司廉察獲守方隅以此至性恐須旌表

奏榆次縣馮秀誠割股奉母狀

右臣得太原府牒前件人爲母久患割股奉母所疾漸損者臣差當縣主簿劉戡檢驗得狀具如前申者臣伏以縱螫及膚口猶難忍援刀刺骨心豈易安前件人出於畎畝之中長在草茅之下天生仁孝日用元和忘甚痛於已軀期有瘳於親疾人倫共感名教所宗斯實陛下仁奄周王

孝逾虞帝陶蒸動物之性啟迪仁人之心况臣守在方隅  
職司廉察據其至行恐合褒稱

爲人作奏貶晉陽縣主簿姜鉢狀

右臣劉氏堂外生卽故硤州刺史伯華嫡孫左補闕某第  
三女是臣亡叔庶子絳州刺史勛外孫父身早亡臣妹多  
病遺孤寡婦無所依投及臣總戎來相依止臣見其長成  
須有從歸其姜鉢久在太原曾任主簿誠非匹敵誤與婚  
姻豈料如獸之心同人面縱橫凶悖舉止顛狂旬月之  
閒豪橫備極惡言醜語所不忍聞有忝祖宗難施面目臣

以爲夫婦之道無義則離因遣作書遂令告絕矜其愚下  
擬許生全而將校等二十三人播進於庭確論其事具如  
前列請以上聞雖忍孤兒可欺其如衆怒難息特希竄謫  
以雪寃疑干冒宸宸伏增戰越之至

爲人作請行軍司馬及少尹狀

右臣適蒙恩獎獲守方隅力小任大常憂敗累伏以行軍  
司馬相副之職知府少尹共理之官未得其人久空此位  
每平均征賦繕理邊陲實藉通材以分重寄伏惟陛下察  
臣心之懇款知軍務之殷繁選於中外爲此副貳陛下所



用卽臣所知苟獲同心庶無闕事謹遣某官奉狀奏請

奏節度使等帶器仗就尚書省參辭狀

諸道新授方鎮節度使等具弩抹帶器仗就尚書省兵部  
參辭伏以軍國異容古今定制若不繇舊斯爲改常未聞  
省閤之門忽入弓刀之器鄭注外蒙恩寵內蓄凶狂首創  
奸謀將興亂兆遂致王璠郭行餘之輩敢驅將吏直詣闕  
庭震驚乘輿騷動京國血濺朝路屍僵禁街史冊未書人  
神共憤旣往不咎其源尚開前件事宜伏乞聖恩速令停  
罷如須參謝卽具公服

欽定全唐文卷五百四十三目錄

令狐楚

五

薦齊孝若書

賀皇太子知軍國牋

盤鑑圖銘記

送周先生住山記

刻蘇公太守二文記

沁源縣琴高靈泉碑記

白楊神新廟碑

金史卷之三  
唐故朔方靈鹽等軍州節度副大使知節度事  
管内支度營田觀察處置押蕃落等使銀青光  
祿大夫檢校刑部尚書兼靈州大都督府長史  
御史大夫安定郡王贈尚書左僕射李公神道

碑銘

并序

唐憲宗章武皇帝哀冊文

祭豐州李大夫十八丈文

祭姪女行軍夫人文

數尺餘隨而行之視乃鹿也須臾乃跪止若有所告先生默記之而還至十九年冬荆木鬻茅奠厥攸居得異石一方上有蟲篆驗之卽毛公鎮地符也旣而鑿戶牖以爲竇有鶴銜弄冠裳戲舞於庭砌後得一井香白滑甘溢爲白泉其旁得古池焉深廣袤丈陽驗陰伏湛如也初先生嘗息於洞之南門中神化恍惚往往失其所在遇好風日亦來人閒將至必先之以雲鶴其弟子灑埽香室俄而至矣嗟乎先生之體同乎無體矣不以晝夜更動息不以寒暑易纖厚不食而甚力走及奔馬全乎氣者也雖飲而無漏

止如靈龜外乎形者也鹿以導步神柔異物也符以存視  
道契先躅也井泉去厲昭乎仁也池水不枯齊其慮也仙  
雲靈鶴之驗去來彷彿之狀其必神行而智知乎予叔服  
膺先生之門二紀於茲錄先生本起見命爲記凝神遐想  
直而不遺元和十三年八月華州刺史兼御史中丞令狐  
楚記

刻蘇公太守二文記

大和五年春三月兗海節度副使李員外虞致本府書幣  
修好於我卒事返命且以故太守蘇源明集中小洞庭讌

籍及序二首見寄請余立一貞石識其故處云余爲之考  
尋圖牒詢訪耆老自五六日至於旬時茫然曾不得回源  
亭渦泊依稀彷彿者從天寶十二載而下及茲八十年源  
明有盛名於朝遺愛在鄆嘗與五太守會集讌遊之所形  
於文字罔若金玉若良二千石好事君子接武而來縱不  
恢張增飾之必當思人愛樹存爲此州故事悲夫恩澤之  
外四紀有餘自蕩平而還三政相繼不銛鋒摩刃以戰鬪  
爲務則長臂利爪而攫拾是謀視嘉山水好風月如越人  
之鬕髻者之鑑非惟無用又從而仇之余以爲不可使中

行子之文無傳於此地乃於溪亭作金石刻引而記之亦  
李志也秋七月二十七日天平軍節度等使檢校尚書右  
僕射鄆州刺史兼御史大夫彭城縣公令狐楚記

沁源縣琴高靈泉碑記

仙人琴高生於周而遊於冀嘗入碭水沈而不濡時乘赤  
鯉周旋自若河東冀州之城也前此嘗命有司廟於沁水  
之東有冽寒泉在堂之下廣園累步澄湛盈尺嘻靈蹤汗  
漫雖羽化於何鄉而真理希夷或鱗潛於此地不然則何  
以旱暵而不耗霖霑而不盈居人乞靈以赴懇遊子翫奇

而濯弄澹乎不知其幾百年也貞元十五祀郡守之子弟  
敢以輦血饌於傍腥羶旣漫清泚遂涸似有扃閉孰知根  
源迨茲七稔無復一勺永貞之元年觀察使尚書右僕射  
馮翊嚴公以清靜

關一  
字

其心以中和樂其職申命前清源

令范陽盧憚假符於州逾月而吏知恥逾時而人知敬一  
年而生物盡康衆續其凝由是抗懷仙風注意靈泉且曰  
剡山而飛者傳於故志聞綺而赴者載在前言吾其禱焉  
儻可復也秋九月一日率其屬有攝長史程義光攝司馬  
周利用軍從事王傳州主簿趙鄂王青溪楊果雲連道冲



并軍吏羣從數十人致齋陳信盼嚮如答初以神視厭浥而未融徐以氣聽湔準而始達奠未徹而可以鑑晷不移而可以汲其明日潏然有響激然無波舊痕皆平故味不爽州閭喜駭瞻觀奔走乞以其狀獻於府朝而盧君善無近名嫌不語怪將使感通神速之事寂寥無聲越十月楚聞風異之伐石爲記嗚呼聖人之所以觀象設教神而化之者無他其要在於禍淫福謙懲惡勸善苟或淫昧將焉訓齋吾知盧君之洗心食和勤力抱素前領遼山也未及周歲獲白鹿以歸聿來沁源齋沐於赤松觀有四白鶴自

天翔集是故精意專感急於置郵靈釣而元關洞開神驅而幽鍵迎解有以知神明之與仁助信蓋章乎州民於是潔其涯隙新其廟貌入於門者不俟約束自然齋莊如承水仙若覩龍鯉上可以列瑞典下可以編幽經目爲靈泉蓋傳信也時永貞元年孟冬月十有八日記

白楊神新廟碑

道太原而北列郡數十雁門爲大在周秦時與山戎林胡犬牙其疆國家以文德柔惠而驅去之北跡距塞口猶千里而遠若內地控於通都秩二千石者非休勲懿德則名

王旄士乙亥歲今尚書隴西李公廉刺并部選第郡政之  
尤異者得昌化守南康郡王河南元韶首表其名遽聞於  
天璽書勞勉移理於代惟南康以壯事老謀逮事先侍中  
平王則尚書朗寧王勤於君惠於人而敬恭於神由是神  
降之福人懷其德是歲夏五月赤車彤幃至自石州初一  
日會計於官次察掾吏之勤惰次二日存問於里閭求人  
民之利病旣三日徧祭於山川神祇蓋無停陰鑾不輟聲  
於郡東凡四十里白楊有祀實代之主也噲水旁注雁門  
山前峙礧礧相抵爲堆爲阜蘄薈柯條如虬如龍廣僅百

畝厥高又倍信可以回薄日月而避逃風雨豈朔漠之氣  
凝結於此乎坤元之精決泄於此乎不然其何以巍巍蒼  
蒼將欲戛若木稍扶桑卑大椿於漆園小蟠桃於東方與  
夫古墓多悲蕪城早落者不同品矣按諸經記且曰昔元  
魏高祖孝文帝由一成而宅九有起雲中而馭天下損益  
三代憲章百王厥初經營由此途出繫馬其下歇鞍於枝  
威靈所憑別白而在旣偃頓以附土又跳騰而架空如有

高掌蹠爲鳥勢形洎今朝中書令燕公說摹詠其事

張公白楊

篇之卒章云欲識前王塔  
鞍處正北苗抽一小枝

戶部侍郎吉公中孚申而明之

建中初吉公以萬年尉爲黜陟判官至此爲之歌序具載其事焉

故迹彌顯高名益大爲

屏爲圖播於海隅代人神之是以祠也而舊規相襲未甚宏麗簷牖東嚮椽欂櫨有祆蠱之氣無尊嚴之威式車馬者以避禍非以致敬奠蘋蘩者惟邀福不惟饗德猶此祀也不亦淒孝文於代乎南康其孫也大懼夫祖德之墜於地因愀然而言曰於古有召公奭以區區陝服爲周二伯行野聽訟憩於甘棠後思其人猶愛其樹其在詩曰勿翦勿伐召伯所茇矧我烈祖有開國之武麗天之文撫正萬方照臨四海而又儲祉降德於後子孫俾不佞起家而

王專城爲守愧不能顯揚先美使若黃帝幸君之使使理  
此土敢黷於祭祀是褻於功烈而速其罪戾也一年因農  
之隙而易其地二年乘歲之豐而改其製不三四年得請  
於上而新廟成南面袞服所以稱尊也兩楹阼階所以定  
位也築墉於外所以禦侮也設屏於前所以修容也耽耽  
沈沈顯敞靚深不風而清無雲而陰前王戾止之儀於是  
乎在裔孫聿追之孝於是乎舉不惟禁淫祀廢非禮抑亦  
開明德撓耿光欲使異日觀者不俟請書問俗而知樹之  
所由植廟之所由崇諗於有知僉曰非頌聲不可初南康

之典化顧嘗客焉迨今剖符則又備位於隴西公之府相  
得最舊見繩爲文故敢徵成之功與作之義篆刻貞石立  
於前楹庶擬衛悝彝鼎之銘敢同魯僖闕宮之什銘曰

蔚彼白楊叢生雁門蒙暑翳寒晴天色昏巨抵交柯龍翔  
虎眠從古強名莫知其原惟昔魏帝於枝息鞍懸垂低昂  
厥迹猶存大畏其力小懷其恩爰有靈祠號爲神明二扉  
不扃四簋不陳樵蘇所往雉兔爲鄰於鑠良牧時維孝孫  
下車之初致敬而言蔽芾甘棠猶思其人縣縣葛藟下庇  
於根乃正名居式崇藩垣山立當宇翼張重軒有赫斯皇

既嚴且尊允矣君子孰如其仁大椿之年細柳之軍吾與  
元也人誰閒然欲載其功莫先於文編詞琢石終古不遷

大唐故朔方靈鹽等軍州節度副大使知節度事  
管内支度營田觀察處置押蕃落等使銀青光  
祿大夫檢校刑部尚書兼靈州大都督府長史  
御史大夫安定郡王贈尚書左僕射李公神道

碑銘

并序

關一  
字 安定郡王諱光進字耀卿節制靈武之三年歲在乙  
未季夏六月寢疾於理所監軍使者驛馬以聞皇帝遣中



貴人賁尺一書與御府醫藥馳往臨視旬有八日奄棄厥命享年五十七矣制詔丞相御史罷朝會加賙賻然後以左揆之密印畫綬告於第焉其年嗣子季元河東衙前兵馬使檢校太子賓客兼監察御史次曰燧元陳許節度押衙檢校太子賓客兼監察御史次曰毅元次曰綬元宣義郎行太原府太原縣尉次曰宗元次曰吉元血泣柴立護裳帷南歸太原越十一年二月己酉葬我尚書左僕射安定王於太原府東四十里孝敬原禮也公之先本阿跌氏出於南單于左廂十二姓代有才傑繼爲酋師嘗統數千

廬落號別部大人貞觀初大父賀之率其屬來歸太宗制  
受雞田州都督仍充靈武豐州定塞兵馬使大父襲之無  
祿早世先父良臣開府儀同三司雞田州刺史充朔方先  
鋒左助兵馬使夫以三葉之忠厚一門之信謹宜錫祚允  
降生峻賢公形清而視明神全而氣和猿臂虬鬚山立玉  
色贈工部尚書李奉國聳公之伯姊器公於稠人教之騎  
射付以韜畧由是發迹雲中策名太原始以勇敢從北平  
王燧戰於蒲次以愿恭事朗寧王自良鉄於并或典領先  
偏或訓齊部伍公家之事無細大戎府之務無重輕緣手

風生過目冰泮禮部尚書隴西公說待以心膂奏兼殿中  
侍御史工部尚書滎陽公儋仗爲爪牙表兼御史中丞大  
司空嚴公綬擇戲下之才奏兼御史大夫司徒范公希朝  
求軍中之舊遷爲檢校左散騎常侍古人云一心可以事  
百君於公見之自時而後氣概昭宣風聲流聞人望歸厚  
天心委重由代州刺史石嶺鎮北兵馬使代北軍使超遷  
工部尚書單于大都護振武節度支度營田觀察押蕃落  
等使朝家思所以優寵尊異於公者無所愛焉八年秋遷  
爲秋官改拜靈州進階至銀青封

闕一字

於安定賜姓李氏

列宗籍追命先君儀同爲工部尚書先夫人史氏爲代國  
太夫人君臣交感家國儲慶焜耀充塞有如是耶十三年  
春介弟忠武軍節度等使銀青光祿大夫檢校司空同中  
書門下平章事武威郡開國公光顏旣平淮夷兼主來朝  
疏公官伐德善涕洟見請以表邱壟又會故吏御史任夷  
則條二府政事上於考功故得鋪陳馨香追琢琬玉云惟  
公關一字毅直清潔矩莊明不爲物遷能以貞勝忠信之教  
自形於心術孝悌之行每合於天經昔國太夫人嘗有霜  
露之疾公與今司徒左右就養不脫冠帶者累月其到鴈

門也先惠訓而後武斷清靜之政成愷悌之化流鰥孤遂  
安奸盜訖息貞元中孝文之心在宥天下無何李鄭二帥  
相繼物故大司空嚴公亦用寬和統三軍轅門武人驕蹇  
自便及公之郡紀綱也言詞約而必信號令明而必行堂  
皇之上聽無譁大旆之前立無跛范司徒之東討常山也  
軍旅之事

關一字

以咨之或灑水以絕其歸居或斷橋以防

其走進繫君有命皆我之爲開網竟從於朝旨改轅無失  
於戎律其在振武也懲邊候之不修黠虜挺災我人離落  
於是選騎戒期揚威稜於沙磧寇皆愕眙深潛而遠遁矣

病公田之不闢豪家射利我庚空竭於是置吏立程懸信

賞於表綴農皆鼓舞寒耕而熱耘矣罕羌之豪曰懷榮曰

黑

闕一字

戕賊攘斂橫於二垂前後握兵者率不能禁公乃

飛語以速其卸開恩而怠其意密聲殄力如取懷中而殺

之風清河湟威動朔漠遷之至於靈武亦猶是也而加之

以勤儉因之以廉平夫家之徭有恒經井地之征有定制

生物滋殖齊人樂康利澤四布淑聲一口時縣官加兵蔡

人且三年矣楚方奏薄技於內庭雅知將欲徵闕一字於朔

方濟師於許

闕一字

謂肺肝之可見俾手足以相衛公亦義

形於色情發於中或攘臂而言或投袂而起豈天緩狡童  
之戮於終歲也翌日而公疾浹旬而公病不月而公薨悲  
夫信之結於人也深惠之被於物也久聞喪而哭於野者  
雷動會葬而登於壟者星奔豈止勞面刺心輟春罷市而  
已嗚呼黑山雖順赤嶺猶虞而耀卿宰木已高壽官永閉  
懷忠憤者得不太息而掩涕乎蔡邕撰有道之碑自知無  
愧范文觀武子之墓可以與歸銘曰

天有風霆是爲威刑國之斧鉞用以征伐明明我后耀武  
敷文嶠嶠我王砥節邀勲昔在偏裨其道則直洎司綱紀

其儀不忒一麾出守十乘啟行藩籬單于襦袴朔方心與  
世同政由已出塞上師壯軍中廩實旣宣大忠宜奏膚公  
西戡夷北伐山戎慶方來兮任方崇身已滅兮名已空  
罕山之南汾水東白楊黑柏多悲風

唐憲宗章武皇帝哀冊文

維元和十五年歲次庚子正月甲戌朔二十七日庚子移  
殯於大內太極殿之西階粵五月十五日庚申遷座於景  
陵禮也玉衡南指金波西落皓雪集其麻衣素雲褰其綃  
幕柳宮龍動竹池魚躍兆庶雨泣於浩穰萬靈風號於寥



廓哀子嗣皇帝仰攀雕輦殷奠瓊筵哀無容以觸地痛不  
返而終天仙仗徐進宸儀永隔降睿旨於鸞臺揚聖功於  
鳳冊其詞曰

配天維唐伊祁同光應道爲帝元元之系聖人有作孝子  
善繼顯赫十朝總齊四裔執其大象司彼左契武烈誕敷  
文明下濟出潛離隱或躍未融親則盤石封殊翦桐承桃  
黃屋主鬯青宮禮樂盡在謳歌薦至軒皇勸勤傳付神器  
太母侍養親臨寶位怡聲下色先意承志家令敢言天子  
屏貴明明出震業業承乾其仁如山其智如泉理析堅白

學探幽元揮毫霧動挾藻霞鮮所持者儉所寶者賢刑靡  
不省賞無不延冕旒迎日珪璧祈年涕謁宗廟臣朝昊天  
天縱神聖日躋孝敬鴻名再加寶厯一定窮人屢賑名士  
交聘獸愛觸邪草憐指佞梯航修貢鱗羽遂性河色呈符  
山聲告慶編書辯謗創殿思政甘節必稱苦言終聽稜威  
之遠德政之盛霜雪憲章風雷號令夏臺齒劍上黨納穽  
趙際宅心鄴中聽命誰能去兵王者有征玉壘霧廓金陵  
鏡清狐鳴上蔡蟻聚東平伏鎖就戮迴戈受烹始以止殺  
歸於好生恢恢不失蕩蕩難名信及隱微道存溥博走馬

斯卻昆蟲咸若調其玉燭徇以木鐸混同車書遠頒正朔  
範金合土大興太學清蹕鳴鑾將登高嶽四維旣張五刃  
已藏蠻夷戎羌敢不來王天下清淨朝廷樂康會冠劍以  
高宴戲魚龍於廣場有嚴有翼無怠無荒俗皆臻於壽域  
人自爲於羲皇日出入兮安窮極雲飛揚兮無處所瑞方  
瞻乎鳳來災忽聞於鸛語謂百年之可卜嗟九齡之不與  
當凝旒而下臨奄脫屣以輕舉萬姓哀其考喪千官懷其  
后撫封人猶祝於南山帝子已號於北渚嗚呼哀哉披靈  
衣兮如在委仙佩兮若休建環海以靜寐謝鼎湖而遠遊

桂華朗兮高殿寂梧葉暗兮深宮愁驚同軌之遽至咽長  
川而不流嗚呼哀哉威儀肅設文物前列酌玉尊以宵奠  
駕金根而曉發出朱雀之正門背青鸞之迴闕逶迤原野  
蒼茫日月去復去兮降堯階悲莫悲矣臨禹穴嗚呼哀哉  
地開蒼谷天作豐山江海自流於泉下城郭取象乎人閒  
高封馬鬣永祕龍顏鱗有逆兮曾觸髯欲升兮高攀朝百  
靈以肅肅遺八駿以閑閑陵植柏兮未拱閣生苔兮已斑  
嚴日宮而深閉藹雲幄以空還興眾感於萬井結宸悲於  
九關嗚呼哀哉神行無方乾健不息物皆被於聖澤人自

迷於帝力巍乎高代之行至矣動天之德後元壤以長存  
冠蒼穹而罔極嗚呼哀哉

祭豐州李大夫十八丈文

嗚呼齟齬之年獲見大夫目以成器異於羣倫自降而遷  
垂三十春服義懷德遠而逾親靈州不協坐謫三楚遐服  
徂征高館晤語謂天之道正直是與捧手欲辭以心相許  
羣后抗疏訟公無辜羽林森森天授兵符適值南還穎耀  
神都風天雪夜買酒相呼帝命并土喜公爲副令尹是毗  
賢王是輔嗟我小子此焉婚娶贄幣旣求酒牢亦具河外

西城振胡鎖戎詔遷大夫開府其中平生相知招我以弓  
竟逼方寸不能從公自此違奉無由詣謁絡繹篇章綢繆  
書札不聞嬰疾不得留訣倉卒一辭寂寞長別嗚呼哀哉  
惟先將軍有庸有勲及公嗣興武不害文義分如霜志氣  
干雲頭蓬面垢報國事君土田未封旄鉞未受天實福善  
神明爲咎埋沒黃沙摧殘白首雖以瞑目豈能鉗口孤旄  
翩翩反葬秦川經過故府悵望新阡魂兮何之音容悄然  
攀轅薦奠苦淚潺湲

祭姪女行軍夫人文

年月日某官某致祭於故十三姪女行軍夫人之靈嗚呼  
婦德尚柔以宜其家人之不幸生也有涯側聞夫人明懿  
穠華輝奪夜光鮮侔晨葩行軍之妻尚書之女動而中禮  
欲不踰矩婉彼宋子歸於鄭武主吏之昌副軍大鹵雲霄  
茲始琴瑟方調孰云大年曾莫崇朝煜煜薨華不思風飄  
灑灑薤露先旦而消嗚呼哀哉昔也北來繡帷虧蔽今茲  
南去丹旄容曳逝矣冥漠宛然慈惠嫡女墜心良人迸涕  
嗚呼哀哉本支百世如水一源况是鰥夫彌憐小孫千齡  
共盡萬化如存申奠致詞悲何可言尚饗

欽定全唐文卷五百四十四目錄

李貽孫

故四門助教歐陽詹文集序

夔州都督府記

盧坦

請放河中鹽入興元府等州奏

請和糴奏

請不毀李錡祖父廟墓奏

與李渤拾遺書



柳公綽

請禁姦人得牒免差奏

定吏人犯罪坐長官等奏

請定勅使驛馬限約

太醫箴

張宏靖

應乾聖壽太上皇冊文

張正元

南風之薰賦

于頔

讓授子方太常丞表

釋皎然杼山集序

潭州法華院記

崔備

駁太常擬贈工部尚書馬暢諡議

壁書飛白蕭字記



欽定全唐文卷五百四十四

李貽孫

貽孫貞元時官夔州刺史累擢至諫議大夫充宏文館學士出爲福建都團練觀察處置使兼御史中丞

故四門助教歐陽詹文集序

歐陽君生於閩之里幼爲兒孩時卽不與眾童親狎行止多自處年十許歲里中無愛者每見河濱山畔有片景可採心獨娛之常執卷一編忘歸於其閒逮風月清暉或暮而尚留窅不能釋不自知所由蓋其性所多也未甚識文

字隨人而問章句忽有一言契於心移日自得長吟高嘯  
不知其所止也父母不識其志每嘗謂里人曰此男子未  
知其指何如要恐不爲汨沒之饑氓也未知其爲吉耶凶  
耶鄉人有覽事多而熟於聞見者皆賀之曰此若家之寶  
也奈何慮之過歟自此遂日知書服聖人之教慕愷悌之  
化達君臣父子之節忠孝之際惟恐不及操筆屬詞其言  
秀而多思率人所未言者君道之甚易由是振發於鄉里  
之閒建中貞元時文詞崛興遂大振耀甌閩之鄉不知有  
他人也會故相常袞來爲福之觀察使有文章高名又性

頗嗜誘進後生推拔於寒素中惟恐不及至之日比君爲  
芝英每有一作屢加賞進遊娛燕饗必召同席君加以謙  
德動不踰節常公之知日又加深矣君之聲漸騰於江淮  
且達於京師矣時人謂常公能識真尋而陸相贊知貢舉  
搜羅天下文章得士之盛前無倫比故君名在榜中常與  
君同道而相上下者有韓侍郎愈李校書觀洎君並數百  
歲傑出人到於今伏之君之文新無所襲才未嘗困精於  
理故言多周詳切於情故敘事重復宜其司當代文柄以  
變風雅一命而卒天其絕耶君於貽孫言故舊之分於外

氏爲一家故其屬文之內多爲予伯舅所著者有南陽孝  
子傳有韓城縣尉廳壁記有與鄭居方書皆可徵於集故  
予沖幼之歲卽拜君於外家之門大和中予爲福建團練  
副使日其子價自南安抵福州進君之舊文共十編首尾  
凡若干首泣拜請序已諾其命矣而詞竟未就價微有文  
又早死大中六年予又爲觀察使令訪其裔因獲其孫曰  
澥不可使歐陽氏之文遂絕其所傳也爲題其序亦以卒  
後嗣之願云

夔州都督府記

峽中之郡夔爲大當春秋爲楚之國在秦曰魚復在漢稱  
古陵在蜀號巴東皆郡也梁爲信州逮我武德復夔之號  
州始都督黔巫上下之地十九城是後或總七城或爲雲  
安郡或統峽中五郡尋復爲夔州都督之號或加或去今  
稱夔州都督府州初在灤西之平上宇文氏建德中王述  
徙白帝城今衙是也東南斗上二百七十步得白帝廟白  
帝公孫述自名也後人因其廟時享焉龕宇飾偶煥如神  
功怪樹峯筭疎羅後前罅山險濤望者驚貽又有越公堂  
在廟南而少西隋越公素所爲也奇構隆敞內無櫟柱翼



視中脊邈不可度五逾甲子無土木之隙靜而思之以見  
其人之瓌傑也直南城一里得巨石爲濫湏地載之險此  
其淵壑獨峯兀頂萬仞萃拔高濤坳狀嶽躍坑轉犂龍護  
堆沸泳節浪窮年縋綆不究其次瞿塘暗導勢列根屬水  
魃施怪陰來潛往城之左五里得鹽泉十四居民煮而利  
焉又西而稍南三四里得八陣圖在沙州之壩此諸葛所  
以示人於行兵者也分其列陣隱在石壘春而潦大則沒  
秋而波減則露造化之力不能推移所以見作者之能瞿  
塘驛西有蜀先主官灤西有諸葛武侯廟皆占顯勝城東

北約三百步有孔子廟赤甲山之半廟本源乾曜解常爲  
郡參軍著圖經焉其後爲宰相今其地又爲孔子廟傳者  
稱爲盛事矣東水行一百七里得縣曰巫山神女之廟楚  
王之祠高唐陽臺之觀朝雲暮雨之府形勢在焉西水行  
二百里得縣曰雲安商賈之種魚鹽之利蜀都之奇貨南  
國之金錫而雜聚焉其人豪其俗信鬼神其稅易征卽知  
其民不偷長吏得其道者涖之猶反掌云會昌五年十一  
月十三日建

盧坦

坦字保衡河南洛陽人宣宗朝累官刑部侍郎鹽鐵轉運使改戶部出爲東川節度使十二年卒年六十九贈禮部尚書

請放河中鹽入興元府等州奏

河中兩池課鹽勅文只許於京圻鳳翔陝虢河中澤潞河南許汝等二十五州界內糴貨比來因循兼越入興元府及洋興鳳文成等六州臣移牒勘責得山南西道觀察使報其果關兩川鹽本土戶人及邑南諸郡市入又供當軍士馬尚有懸欠若兼數州自然闕絕又得興元諸府耆老

狀申訴臣今商量河中鹽請放入六州界糴貨

請和糴奏

今年冬諸州和糴貯備粟澤潞四十萬石鄭滑易定一十五萬石河陽一十萬石太原二十萬石靈武七萬石夏州八萬石振武豐州鹽州各五萬石凡一百六十萬石以今秋豐稔必資蓄備其澤潞易定鄭滑河陽委本道差判官和糴各於時價每斗加十文所冀人知勸農國有常備請不毀李錡祖父廟墓奏

淮安王神通有功於草昧且古之父子兄弟罪不相及以

錡叛可累五代祖乎

與李渤拾遺書

八月三日坦頓首奉書拾遺公足下抱濟世之資抗出塵之跡德全道備雲臥谷飲遺名而聲飛晦耀而光發天子所以聞風下詔命作諫臣朝野聳瞻煙蘿動色足下懷寶樂山竟未爲蒼生起實一代之孤風千年之曠躅不可得而累也坦器凡材薄猥踐班榮鎮守宣池路出瀟洛眺嵩峯之峻極仰景行之彌高吟想徽猷寤寐饑渴幸甚幸甚坦雖未獲拜面而舍弟嘗師習於左右矣飽聞足下之高

義竊承足下詠堯舜之言志周孔之道以致君惠人爲意  
非特熊經鳥伸長往而不返者也甚善甚善然則孔氏之  
道不隘小官不榮大位於是宰中都而魯國化作相而天  
下服世衰運微其道中阻猶且厯國應聘窮塞而後止今  
天下歡康異衰周之代也萬方一統非列國之時也而足  
下猶獨超然高舉不答天子之命豈孔氏之徒歟愚竊惑  
焉大凡今之人奔分寸之祿走絲毫之利如羣蟻之附腥  
膾聚蛾之投燭火取不爲醜貪不避死得以爲榮失以爲  
辱不由道以進退不量能以授受如此者多有識知病足

下豈不欲矯棄流俗獨爲君子哉誠志士之端操賢人之  
大業也敢不愛慕之乎或聞足下又以蒲輪元纁郡府之  
禮不到遂徘徊山門未果輕去難進之道三揖爲宜在足  
下俟駕而行斯可矣餘復何可道哉少許茶果謹具別紙  
公程迫速不獲拜詣馳誠而已不具盧坦白

柳公綽

公綽字寬小字起之京兆華原人舉賢良方正直言極諫  
再登賢良方正科累拜御史中丞元和中遷兵部侍郎兼  
御史大夫長慶三年改尚書左丞檢校戶部尚書山南東

道節度使敬宗朝歷刑部尚書大和四年爲河東節度使  
徵爲兵部尚書卒年六十八贈太子太保諡曰成

請禁姦人得牒免差奏

請諸司諸使應有捉利錢戶其本司本使給戶人牒身稱  
準放免雜差遣夫役等如有過犯請牒送本司本使科責  
府縣不得擅有決罰仍永爲常式者臣昨因奉進止追勘  
閑廩使下利錢戶割耳進狀劉嘉和訴被所繇分外科配  
等事由因勘責劉嘉和所執牒身所引勅文簡勅不獲牒  
閑廩使勘勅下年月日又稱遠年文案失落今據閑廩使



利錢案一使之下已有利錢戶八百餘人訪聞諸使並同此例戶免失役者通計數千家况犯罪之人又常僥倖所稱捉利錢戶亦不得本錢百姓利其牒身情願虛立保契文牒一定子孫相承至如劉嘉和情願充利錢戶事繇緣與人毆鬪打人頭破時便於閑廢使情願納利錢得牒身免府縣科決實亦不得本錢已具推問奏聞訖伏奉進止令臣具條流奏聞者今請諸司諸使所管官錢戶並依臺省舉本納利人例諸司諸使更不得妄有準勅給牒身免差遣夫役及有過犯詐作府縣處分如官典有違請必科

處使及長官奏聽進止其先給牒者並仰本司使收毀入後在人戶處收毀不盡其官典必有科責其捉錢戶元不得本錢者亦任便不納利庶得州府不失丁夫姦人免有僥倖

定吏人犯罪坐長官等奏

當使監院場官及專知納給并吏人等有負犯合結罪者比依推問聞奏只罪本犯所由其監臨主守都無科處伏請從今舉名例律每有官吏犯職監臨主守同罪及不能覺察者並請準條科處所冀刑章具舉貪吏革心

請定勅使驛馬限約

自幽鎮用兵使命繁併館遞匱乏鞍馬多闕又勅使行李  
人數都無限約其衣緋紫乘馬者二十三匹衣黃綠者  
不下十匹五匹驛吏不得視券牒隨口卽供驛馬旣盡遂  
奪路人鞍馬衣冠士庶驚擾怨嗟遠近喧騰行李將絕伏  
望聖慈聊爲定限

太醫箴

惟天布寒暑不私於人品類旣一高卑以均惟人謹好愛  
能保其身清淨無瑕輝光以新寒暑滿天地之間浹肌膚

於外好愛溢耳目之前誘心知於內清潔爲隄奔射猶敗  
氣行無閒隙不在大睿聖之姿清明絕俗心正無邪志高  
寡欲謂天高矣氛蒙晦之謂地厚矣橫流潰之聖德超邁  
萬方賴之飲食所以資身也過則生患衣服所以稱德也  
侈則生慢惟過與侈心必隨之氣與心流疾亦伺之聖心  
不惑孰能移之畋遊恣樂流情蕩志馳騁勞形咤叱傷氣  
惟天之重從禽爲累不養其外前修所忌聖心非之孰敢  
違之人乘氣生嗜慾以萌氣離有患氣凝則成巧必喪真  
智必誘情去彼煩慮在此誠明醫之上者理於未然患居

慮後防處事先心靜樂行體和道全然後能德施萬物以  
享億年聖人在上各有攸處庶政有官羣藝有署臣司太  
醫敢告諸御

張宏靖

宏靖字元理宰相延賞子以蔭補河南參軍累遷河中節  
度使元和中拜刑部尚書同中書門下平章事封高平縣  
侯罷政厯河東宣武盧龍三節度使檢校司空貶太子賓  
客分司東都再貶吉州刺史改撫州稍遷太子少師卒年  
六十五贈太子太保

應乾聖壽太上皇冊文

維永貞二年歲次庚戌正月庚寅朔皇帝臣某稽首再拜  
奉冊言臣聞上聖元邈超乎希夷強名之極猶存乎言象  
豈足以表無爲之化光不宰之功然稱謂所施簡冊攸著  
涵泳德澤感於精誠願奉鴻徽有以自竭伏惟太上皇陛  
下道侔元元業纂皇極膺千載之休歷承九聖之耿光宣  
昭化元發揚大號政有敦本示儉慶有格天漏泉恩翔春  
風仁育羣品而成功不處褰裳去之付神器於沖人想汾  
陽之高蹈體堯之德與神同符其動也天其靜也地巍巍

事表無德而言焉顧茲寡昧屬厯大寶懼忝傳歸之業莫  
申繼述之志夙夜兢畏惟懷永圖今天下幸安皆睿訓所  
被而未極徽號孰報君親是以台臣庶官文武之列抗疏  
於內方伯藩守億兆之眾同詞於外請因壽厯以播鴻名  
臣不勝大願謹上尊號曰應乾聖壽太上皇當三朝獻壽  
之辰應五紀啟元之始光膺徽稱允叶神休斯天下之慶  
也臣稽首再拜

張正元

正元貞元五年進士

南風之薰賦

以悅人阜財生  
物咸遂爲韻

昔者南風和醇明德維新創五法而配夏感萬物之如春  
不然者夔何以得爲典樂舜何以尊爲聖人者哉其風乃  
周流遐裔蕩滌庶物廓宇宙以澄清屏腐餘之伊鬱故表  
太平之至理俾寰宇之無咈也且順而隨時曰異氣之相  
感曰咸合之寧閒於幽林曠野散之何啻乎萬壑千巖當  
其南正司辰朱明應節我風在德何以驗乎枯桑我風在  
仁何必候於空穴物旣斯悅薰不在乎器人奚以欽物莫  
能同葉不在乎蘭人何以結知執德不回嘉祥有開始斯



人之解慍倏儀鳳以員來有孚容若至德休哉足以成天下之務畜天下之財今國家以義爲利知風之自實皇猷之穆穆因王道之易易竹帛之功斯在絲桐之音不墜夫如是未有靈瑞之不臻生成之不遂者也寧與夫蓬振塵驚颺颺淒清或敗物者有隆或中人而喪精未若我皇內協正德外和厚生在乎野而草自偃入乎林而條不鳴是則良哉元首克洽九有仰南薰兮何翕爾而純和幸得詠時康與俗阜

于頔

頤字允元河南人德宗朝累拜襄州刺史充山南東道節度使奏升襄州爲大都督府累遷左僕射同中書門下平章事封燕國公憲宗立入朝拜司空因事貶恩王傳改太子賓客卒贈太保諡曰厲其子季友訴於穆宗賜諡曰思讓授子方太常丞表

劉元佐倪士榮以佐之功先朝爲太常丞時臣與士榮同登朝列見其凡劣實鄙之今臣功名不如元佐某之凡劣不若士榮若授此爵更爲叨忝

釋皎然杼山集序

詩自風雅道息二百餘年而騷人作其旨愁思其文婉麗  
亡楚之變風歟至西漢李陵蘇武始全爲五言詩體源於  
風流於騷故多憂傷離遠之情梁昭明所撰文選錄古詩  
十九首亡其名氏觀其辭蓋東漢之世亦蘇李之流也自  
建安中王仲宣曹子建鼓其風晉世陸士衡潘安仁揚其  
波王曹以氣勝潘陸以文尚氣勝者魏祖興武功於二京  
已覆文尚者晉武圖帝業於五胡肇亂觀其人文興亡之  
跡人焉廋哉人焉廋哉宋高祖平桓元定江表文帝繼業  
五十年閒江左寧謐魏晉文章鬱然復興康樂侯謝靈運

獨步江南俯視潘陸其文炳而麗其氣逸而暢驅風雷於  
江山變晴昏於洲渚煙雲以之慘淡景氣爲其澄霽信江  
表之文英五言之麗則者也迨於齊世宣城守謝元暉亦  
得其詞調涵於氣格不侔康樂矣梁陳已降雖作者不絕  
而五言之道不勝其情矣有唐吳興開士釋皎然字清晝  
卽康樂之十世孫得詩人之奧旨傳乃祖之菁華江南詞  
人莫不楷範極於緣情綺靡故辭多芳澤師古興制故律  
尚清壯其或發明元理則深契真如又不可得而思議也  
貞元壬申歲余分刺吳興之明年集賢殿御書院有命徵

其文集余遂採而編之得詩五百四十六首分爲十卷納於延閣書府上人以余嘗著詩述論前代之詩遂託余以集序辭不獲已畧志其變上人之植性清和稟質端懿中祕空寂外開方便妙言說於文字了心境於定惠又釋門之慈航智炬也余游方之內者何足以叩元關謝氏世爲詩人豈佛書所爲習氣云爾

潭州法華院記

長沙郡之安國寺寺之北偏法華院結構始畢光明宏敞依之者其有旨乎卽我湖南伯御史中丞楊公竭孝思追

大福報罔極於所恃也於戲萬法性離也言說非法也然  
捨言說無以辯了義詮實相繇是經教生焉佛說九部法  
華爲最其逗機也韜靈珠於髻上指衆實於藏內藥草沐  
莖葉之雨諸子悅羊鹿之車其會真也以開示誤入誘羣  
迷令得佛知見以會三歸一爲上乘令知法真際至於如  
是性如是相了緣起叩寂滅億劫諸佛乃能知之其餘聲  
聞辟支如稻麻竹葦不得其微密也若有受持讀誦勇猛  
堅固我爲勝因果亦隨之卽揚州龍興寺阿闍黎靈祐鑽  
研歲久深解義趣常爲寶函以授信心仍大署其背曰功

滿三千其道乃圓百福萬善充塞沙界中丞先太夫人榮陽鄭氏以閨門尊重之德奉西方清淨之教歸命道士且業是經時有明晦我無閒斷居無幾實盈其數焉常願極精慮罄泉貝大依佛事共揚光烈嗚呼風樹之感霜露之悲入肺肝者可勝道哉今位登方伯輕千乘之貴捐萬鍾之祿隳心裂膽虔紹前志此所謂不敢一日而忘其親也先是此地松竹葱蒨含絕世之異觀者百輩曾無頌聲公乘時多暇高步廊廡密獲勝勢其心快然因心計手指付於匠吏經時而成之堂殿崔嵬以切雲軒廊竚窳而疏風

皎嚴淨而無塵若釋梵之天宮大德僧懷遠秀掩珪璧操  
陵霜雪是故啟請爲其主張加之以田產因之以藏獲受  
用具足無遺乏相嘗聞於經曰造塔廟建形像旃檀沈水  
彩畫裝鉸如是功德福不唐捐伏知必有以資窈冥闢往  
路揮斥萬有騰陵三界巍巍尊識補賢聖處信決定矣其  
或否者我教其誣乎恭惟先太夫人誠敬齋莊高明惠和  
道可以裨補陰教禮可以綢繆婦則早居穆伯之器有賢  
子三人始在童孺則自教誨非雅言正味不道不食使中  
和淳粹之氣飽飫其腑臟焉故中司洎令弟兵部郎中凝



大理評事凌皆擢進士高第以清風累德文學政事振休  
聲於宇內議者謂玉昆金友如三山峙立三川橫流焉後  
之君子非但寶地觀此誌可以知上有聖謨之美下有大  
孝之嗣矣公永懷慟絕不忍握管濡墨以文字自導其意  
見託序述乃惕然而書之

崔備

備建中二年進士辟四川節度使判官終工部郎中

駁太常擬贈工部尚書馬暢諡議

謹案諡法敬字之義與馬暢始終名迹不同考行之義尚

乖易名之典未正事須再牒禮院請重議者且以暢墳土  
猶濕物議尚存皆可徵言盡堪覆視在春秋隱惡之義可  
也加史冊虛美之命難乎况尚書責實當究是非易名宜  
存褒貶夫國之禮法懸在不刊而文士多病於愧詞史臣  
或許其使傳舊章既失後代何觀雖以禮之愛久無而亂  
名之責豈絕幸稽前士用示後人其馬暢所諡爲敬請更  
參議

壁書飛白蕭字記

壁書蕭字者梁侍中蕭子雲之書也韓晉公領浙西之歲

得於建業佛寺置之南徐官舍函以屋壁俯瞰座隅及晉  
公入贊廟謦啟於私第朱方官吏候其代者完葺舊府圯  
墮故堂吏人以壁字昏蒙方以堊帚塗上時故殿中李侍  
御士舉爲部從事以晉公翰墨代無等儔自獲壁書施榻  
於下耽翫研味晷無已時士舉重焉紿而方得及士舉府  
除職停寓壁字於小吏之舍至甲申歲士舉爲江西從事  
通好江淮時李評事約盛閱圖書以示寮友士舉方以壁  
字言於座中李君因而求之士舉云得卿皇象羊欣蕭綸  
真草各一帖大鄭畫屏一扇卽輟與之不爾當自持去李

君富於圖書酷好遐異遂以所求三帖并法士畫屏一扇  
易焉後十餘日壁書自吳負來士舉於道病卒向若李君  
不閱雅跡士舉不言此書卽壁字爲朽壤於小吏之家逸  
品絕前賢之迹固知興亡繼絕後不乏人工極藝精中必  
有物加以子雲與國同姓所書蕭字圓卷側掠體法備焉  
信曩賢之妙門實後代之茂範其飛白書起於蔡中郎蔡邕  
待詔門下見役者以堊帚成字心有悅焉歸而爲飛白書漢末魏初皆以題署宮闕其後張敬禮王  
逸少子敬並稱妙絕子雲曲盡其法歐陽率更云蕭侍中  
飛白輕濃得中如蟬翼掩素其爲前賢所重如此嗟乎景

喬此書今訪天下絕矣惟此蕭字在乎舊都三百年間竟  
無頽圯俾後人傳授似陰有保持余與李君寓家南徐鄰  
而友善獲覩妙迹感其將壞晉公出之方絕之迹李君維  
之用徵其事故以蕭字志之